

Codotenteidi

inänite Pabodo nänö cadota ante yewæmongainta

Waa quëwencæminimpa, ante

1 ¹Wængonguī angā ēñēninque Itota Codito botō imote da godongā gogaīmo inte botō Pabodobo inōmo inte yewæmōmopa. Mōnō tōniñacā Tīmoteo tōnō guēa tedete ate botō, Acæminimpa, ante yewæmōmopa. ²Mōnitō tōniñamīni ēñēdāni. Codota iñōmō quëwēninque Wængonguī quimīni inte mīnitō mōnō Codito nempo quëwēninque ædæmō cæte pōnēmīni iñōmīnite botō iīmaī ante yewæmōmopa. Mōnō Mæmpo Wængonguī tōnō mōnō Awēnē Itota Codito waadete pōnō cæda ænte entawēninque mīnitō gānē pōnēninque watapæ quëwencæminimpa, æmopa.

**Nē pōnēnāni beyæ Pabodo
Wængonguī ingante apænecā**

³Mōnō Awēnē Itota Codito Wæmpocā iñongante mōnitō mīnitō beyæ ante apænēdinque Wængonguī ingante waa ate pōnente apænēmōnīpa. ⁴Edæ, Mīnitō Itota Codito ingante wede pōnēmīni imīnīpa, ante do ēñēmōnīpa. Ayæ, Wængonguī quīnāni inänite tōmānāni inänite mīnitō waadete pōnēmīnīpa, ante mōnitō do ēñēmōnīpa. ⁵Edæ, Öönædē æidinque mīnitō watapæ quëwenguīnque impa, ante edæ Codito do badongampa. Mänōmainō ante, Nāwangā impa, ante watapæ mīni ēñēnō ante mīnitō godōmenque wede pōnēmīni badinque godongāmæ waadete pōnēmīni imīnīpa. Iñinque, Mīnitō mänōmaī imīnīpa, ante adinque mōnitō wæætē Wængonguī ingante waa ate pōnēninque apænēmōnīpa.

⁶Doyedē mīnitō weca ponte apænēdinque mōnitō, Mōnō Codito ingantedō ante watapæ apænēmōni ēñēninque mīnitō, Wængonguī nāwangā waadete pōnō cæcampa, ante do ēñēmīnitapa. Mänōmainō ante mīni ēñēniōnæ incæ mīnitō waincawæ nanguī incawæ baī tæcæ badinque ñōwo ganca nanguī apænēmīni ēñēninque wadāni mīnitō weca nē pōnēnāni tæiyænāni badānīpa. Ayæ tæiyænāni badāni baī mōnō pōnencabo adobaī tōmāmæca tæiyæmō pōni bamōmpa. ⁷Epapada mōni nē waadedongā incæ, Codito waa pōni nänō pōnō cægāinō ante do odōmonte apænecā ēñēmīnitapa. Tōmengā iñōmō Itota Codito beyæ nē cæcā inongā inte mōnō imōnite pōnēninque ædæmō cæcā ingampa. ⁸Ayæ mōnitō imōnite apænēdinque tōmengā, Codotenteidi iñōmō Wængonguī Önōwoca nempo quëwēninque nē waadete pōnēnāni inänīpa, ante do apænecā ēñentamōnīpa.

⁹Mänōmaī beyæ mōnitō, Mīnitō æbānō imīnīi, ante tæcæ ēñēninque mīnitō beyæ ante Wængonguī ingante apænēdinque ñimpo cædāmaī inte cōwē apænēmōnīpa. Edæ, Wængonguī æbānō angāā, ante mīnitō ēñente ewocacæminimpa, ante mōnitō, Wængonguī ēñēmi. Bitō ēñēnō ante apænēbi ēñente ewocadinque Codotenteidi wæætē, Æbānō waa cæte quëwenguīi, ante ēñencædānīpa, ante apænēmōnīpa. ¹⁰Wængonguī apænecā ēñēninque mīnitō, Mōnō Awēnē tocæcāimpa, ante cædinque tōmengā

nänö waa cædö bai minitö adobai waa pönī cæcæminimpa, ante apænemönipa. Ayæ Wængongui ingante minitö doyedē æmæ ate bai æmæ pönënimini inte nōwo wæætē ædæmō ate bai ædæmō pönencæminimpa. Ayæ waa incawæ bai minitö adobai bate cædinque nō mini waa cæquënönouque cæcæminimpa, ante apænemönipa. ¹¹Wængongui nãö emöninque tæ piñænongä inte pönö cæcä ate minitö edæ tömengä nänö tæi piñænö bai adobai tæi piñæmini ewocæminimpa, ante apænemönipa. Ayæ, Tömengä mänömai pönö cæcä ænte ewocæmini inte minitö wæntæye badämai inte ee cædinque piyænē cæte ee cæcæminimpa, ante ämönipa. Ayæ watapæ todinque, ¹²minitö mönō Mæmpo ingante waa ate pönëninque apænecæminimpa, ante mönitö Wængongui ingante apænemönipa.

Edæ Wængongui quimöni imöni bai tömengä minitö iminite pönö badongä ate minitö tömengä quimini do bamini. Ininque minitö tömengä nãö emömämodē mönitö tönö godongämæ pönöminite tömengä nangui pönī pönongä æninque minitö mönitö tönö godongämæ nē äamini incæminimpa. ¹³Edæ nē wëmö enempodongä nempo wæwëñomonte Wængongui wæætē mönō imonte gä pe æmpote ö æninque, Botö Wengä botö nē Waadedongä iñömö nē Awënë Odeye iñongante minitö tömengä nempo quëwencæminimpa, ante mämongä pongamöimpa. ¹⁴Tömengä Wengä nämä wepæ petæ petæ wææ beyænque mönō wænæ wænæ cægainö ante Wængongui pönö ñimpo cæcä æninque mönō abæ tawænte bai quëwëmompä.

Codito wængä beyænque Wængongui piyænē cæcampa

¹⁵Mönö adämai ingaingä Wængongui æbänö emongää, ante adämai iñömönte Wængongui Wengä iñömö Mæmpocä bai nē emongä inte mönö weca pöninque, Mæmpocä æbänö emongää, ante do odömongacäimpa. Wëñëñedē

Wængongui nänö badönämai ingäñedē adocä incæ Bamoncadengä bai inongä inte do quëwengacäimpa. ¹⁶Iñinque Mæmpocä pönö angä ëñëninque tömengä Wengä incæ tömancoo edæ badongacäimpa. Mönö nē adincoo incæ mönö adämai incoo awëmö ongoncoo incæ adocä tömancoo badongacäimpa. Awënëidi incæ nē änäni incæ, awënëidi nani enempodö incæ nē tæi piñænäni incæ, öönädē owodönäni incæ inguiipoga quëwëñönäni incæ mäninäni edæ tömänäni inänte Mæmpocä pönö angä ëñëninque Wængongui Wengä iñömö badongacäimpa. Badöñongante Wæmpocä, Bitö qui bacäimpa, angä Ao ante badongacäimpa. ¹⁷Adocä Wængongui Wengä incæ Tānocä quëwengaingä ingampa. Tömengä pönö angä beyænque tömengä nänö badongaincoo iñömö adoyömö pönente bai cædinque tömengä nempo godongämæ gongænte cægompä.

¹⁸Ayæ tömengä nē Önoncamö bai nē angä iñongante mönö tömengä ingante mönö godongämæ pönencabo wæætē tömengä tönö adoyonque bai iñömö imompä. Adocä tömengä nänö Tæiyæ Awënë baquinque nē badongaingä inongä inte tānocä pönī ingacäimpa. Ayæ æmonga pönī nänö ongonguinque tömengä wænte ate tānocä nē ñäni ömæmongaingä inongä ingampa. ¹⁹Edæ, Botö entawënë incæ botö Wengä tömänö entawencæcäimpa, ante pönö cædinque Mæmpocä iñömö nangui togacäimpa. ²⁰Ayæ tömengä Wengä wepæ awäa gowete wædinque wængä beyænque Wængongui mönö tömämö beyæ pönö cædinque piyænē cægacäimpa. Tömengä Wengä tönö mänömai pönö cæcä beyænque mönö inguiipoga tömäo quëwëmö tönö öönädē tömäo quëwëñäni tönö tömengä ingante Ao æninque tömengä tönö godongämæ piyænē cæte quëwëmö adinque Wængongui iñömö nangui togacäimpa.

²¹Ayæ minitö guiquënë Wængongui ingante näwæ pämwænte gogaimini inte wiwa cædimini inte ocaidē nē piinte

bagaimini inōminite, ²²Wængongui wæætē, Adocā Codito tōmengā baō ēwēnente wængā beyænque mīnitō botō quimīni badinque botō ayōmo tæiyæ wæmō entawencæminimpa, ante cæcampa. Inique tōmengā nā mēnongacā ate mīnitō tōmengā ayongā wentamō mongænāmai imini adinque, Wēnæ wēnæ cæbitapa, ante ædō cæte piinte anguii. ²³Edæ mīnitō tæi mænonte bai ongōnīnque do mīni wede pōnēnonque ante cōwē godōmenque pōnēmīni inique tōmengā weca ponte ongōmaimīnīpa. Mōnitō mōnō Codito ingantedō ante mōnō pōnēnō beyæ mōnō watapæ bacæimpa, ante apænemōni ēñēmīnitawo. Mānīne ante nīmpo cædāmai imini inte mīnitō tōmengā weca cōwē ongōmaimīnīpa. Mānīne mīni ēñēnīne ante mōnitō nōwo inguipoga tōmāo quēwēnāni inānite apænemōni ēñēnānīpa. Mānīne beyænque ante botō Pabodobo nē cæbo batabopa.

**Mōnō pōnencabo beyæ botō
nē cæbo batabopa, ante**

²⁴Mīnitō beyæ nanguī cædinque nantate wædīmo incæte botō nanguī tobopa. Ayæ Codito beyæ ante godōmenque wæquēnēmō inte botō tōmengā tōnō guēa baonque nantate wæbopa. Codito mōnō Ōnoncamō bai nē angā inōngante mōnō tōmengā ingante mōnō godongāmæ pōnencabo inōmō tōmengā tōnō adoyonque bai imōmpa. Botō inōmō edæ mōnō cabo beyænque caate wæbopa. ²⁵Ayæ, Codito ingante nē pōnēnāni beyæ bitō nē cæbi badinque botō angaiine ante adodō adodō ante tōmānō ante edonque pōnī apænebi ēñencædānīmpa, ante Wængongui angā ēñēnīnque botō mīnitō beyæ nē cæquēnēmō do bagaboimpa.

²⁶Mānīne Wængongui nānō angaiine ante wantæpiyæ wē wodonte bai inōnte mōnō mæmæidi cōwē ēñēnāmai ingadānīmpa. Nōwo guiquēnē Wængongui tōmengā quimō inōmōnte mānīne ante edonque pōnī odōmōnte

apænecā ēñēmōmpa. ²⁷Inique mōnitō imōnite ānīnque, Waa pōnī botō angaiine ante mīni waocabo wēēnēñedē mīni ēñēnāmai ingaiine ante mīnitō nōwo tæcæ ēñēmīni inte oodeoidi ināmai ināni inānite odōmōnte apænemīni ēñencædānīmpa, ante Wængongui cæcampa. Mānōmai beyæ mānīne ante apænemōni ēñēnīnque mīni waa pōnī nāō bai entawengūnque ēñencæminīmpa. Edæ, Mīnitō mōnō Codito ingante ēwocadinque mīni nāō ēmāmōdē æiyōmīni watapæ bacæimpa, ante mōnō pōnēnō ante mānīneque impa.

²⁸Mōnō Codito tōmengā nānō ēñēnō ante entawēnīnque mōnitō adocā ingante mōnō Codito ingante ante apænemōnīpa. Tōmengā nempo quēwēnīnque mīnitō picænāni bai nē ēñēmīni bayōminite Wængongui mīnitō imīnite waa acæcāimpa, ante mōnitō tōmānāni inānite waadete odōmōnte apænemōnīpa. Ayæ, Eñenguēnē quēwēedāni, ante tōmānāni inānite wææ ante apænemōnīpa. ²⁹Mōnō Codito nānō tæi piñænō pōnongā ænte entawēnīnque botō, Nē ēñēmīni bacæminīmpa, ante cædinque tæi pæ pagænte cōwē nanguī cæbo imōpa.

2 ¹Botō mīnitō beyæ nanguī cædinque Daoditea inōmō quēwēnāni beyæ adobai nanguī cæbo aedāni. Ayæ wadāni botō awinca adāmai ināni beyæ adobai tæi pæ pagænte cædinque nanguī cæbopa, ante apænebo ēñēedāni. ²Botō, Tōmānāni wæwēnāmai inte wampo pōnēnīnque godongāmæ waadete pōnēnīnque adocobodāni bai bacædānīmpa, ante ædæmō cæbopa. Edæ, Mānōmai badinque tōmēnāni Codito nānō ēñēnō ædæmō pōnī nāni entawengūnque impa, ante pōnēnīnque cæbopa. Ayæ, Mānōmai badinque tōmēnāni Wængongui nānō nē wē wodongaingā ingante Codito ingante edonque acædānīmpa, ante botō mānōmai beyæ ante ædæmō pōnī odōmōnte apænebopa. ³Edæ, Æbānō i, ante, Æbānō waa cæquīi, ante

Wængonguinque nänö nö pönönö incæ mönö Codito mäninö tömänö ante ëñëninque waëmö pöni incoo bai wë wodonte mante bai entawengampa.

⁴Mänömainö ante apænedinque botö, Minitö oda cædämaï incæminimpa, ante yewæmonte apænebopa. Edæ wadäni waa pöni tededäni incæ babæ wapiticæ odömoncæte ante tededäni inäni adinque ëñënämaï iedäni, ante wææ ämopa. ⁵Edæ wayömö quëwëmo incæ minitö weca owote bai botö önöwoca pönëmopa. Ininque botö ayömo minitö mönö Codito ingante wede pönente tæï piñænte ongöninque iñacabo cædinque töingä pöni cæminipa, ante pönëmopa. Mänömaï iminipa, ante ate bai adinque botö nanguï tobopa.

**Codito nempo quëwëninque
mïimö quëwëmompä, ante**

⁶Mänömaï beyæ botö iïmaï ämopa. Minitö Itota Codito ingante mönö Awënë ingante Ao ante do æminitawo. Ininque tömengä ingante do Ao ante ænimini inte minitö nöwo adobai tömengä ingante cöwë Ao ante tömengä nempo quëwëedäni. ⁷Minitö waomini incæ awæ tæimöwæ ædæmö guiwate pæwæ bai Codito nempo quëwëninque cöwë godömenque picæmini bacæminimpa. Ayæ mönitö odömonte apænemöni mini ëñënö bai cædinque godömenque wede pönëninque tæï piñænte ongödäni. Ayæ Wængonguï ingante waa ate pönëninque watapæ apæneedäni.

⁸Wadäni mä pönente önonquedö ante apænedäni ëñente wædinque minitö, Mönö imonte ö æncæte ante babæ apænedänipa, äninque wææ cæedäni. Edæ tömënäni dicæ Codito nänö odömonte apænegainö ante apænedäniyaa. Wæætë waodänique näni odömonte apænegainonque ante Ao äninque tömënäni inguipogaque ante në pönënäni näni pönönö baiinonque ante cædänipa töö.

⁹Edæ Wængonguï tömengä nänö entawënoncoo incæ mönö Codito Waocä në ëñaingängä inongä inte mänincoo

tömancoo entawëninque nämä baonga ëñacampa. ¹⁰Öönädë awëneidi incæ inguipoga awëneidi incæ nanguï inäni iñönäni mönö Codito adocanque Nænængä pöni inongä inte Tæiyæ Awënë inongä ingampa. Incæte tömengä nempo quëwëmini inte minitö tömengä nänö entawënö incæ ædæmö entawëminipa.

¹¹Ininque tömengä nempo quëwëninque minitö wao önompoca ëö togænämaï imini incæte mönö Codito iñömö ëö togænte bai cædinque minitö baonque ante mini wiwa cægainö ante wido cæcä ate minitö tæiyæ waëmö entawente quëwëminipa. ¹²Wængonguï në tæï piñænongä inte Itota ingante angä ñäni ömæmongacäimipa, ante wede pönëmini inte minitö, Itota tönö godongämæ näñe wænte bai imompä, ante æpænë guiminitapa. Ayæ adobai adocä në tæï piñænongä ingante wede pönëninque minitö æpænë guidinque Itota tönö ñäni ömæmonte godongämæ tao gongænte quëwëminipa.

¹³Doyedë ëñënämaï cædinque do wænguënëmini ingaimini inte minitö inguipogaque ante mini cæinëwënö ante ee mongæñöminite Wængonguï angä ate minitö Itota tönö ñäni ömæmonte quëwëngaminimpa. Edæ wënæ wënæ mini cægainö ante adinque Wængonguï pönö ñimpo cæcä quëwëminipa.

¹⁴Minitö pante wæquinque ëñënämaï cæminipa, ante Wængonguï wade wade ante wææ angä ëñëninque dodäni adodö adodö ante yewæmönäni ate wægamöimipa. Mänömaï mönö imonte ancaa wææ änäni wæmö adinque Codito iñömö mäninecoo mönö wægainecoo ante wëä godonte bai cæcä ate dæ batimpa. Edæ awæ timpodäni wæninque Itota Codito mäninö ante do teëmente mongæ mäo wido cægacäimipa. ¹⁵Ayæ mäniwäa wæninque adocä tæï ëmongä inte wënæidi awëneidi tönö në änäni näni wænonguëncacoo gä pe æmpote ö æninque tömengä, Wænoncaincoo nææminipa wænonguimini, ante bai wadäni ayönänite badete tote bai cægacäimipa.

**Öönädē mönō entawēnō ante
æncæte ante cædāni, ante**

¹⁶Mönō ee aquēnēnō incæ bitō quimæ cæmii, Quimæ bebi, ante pōnō apænte pīnte ānānitawo. Wængongui beyæ ante ææmæ cæcæimpa, ante apænte ancæ pīnānitawo. Wacā māmō i ate becæimpa, ante wææ ānānitawo. Guēmanguiōnæ incæ quimæ cæbii, ante mīnitō imīnite apænte pancæ cædānitawo. Edæ æcāmenque mănōmainō ante apænte ancæ cæyōnānite mīnitō wæætē, Tömēnāni nāni wææ āninō ante Codito wēa godonte bai cægacæimpa, ante pōnēninque guiñente wædāmaī incæmīnīmpa. ¹⁷Cænguī cænte bai bequī bete bai mönō önōwoca beyæ Codito incæ mönō guēmanguimāmo bai inongā ingampa. Īnīnque Codito ingante ænte entawēninque mönō æbānō cænte bai guēmante bai quēwenguī, ante odōmoncæte ante cædinque dodāni ĩñōmō owocodenganque odōmōnte bai cædinque wææ angadānīmpa. Mānōmaī beyænque tōmēnāni, Īimaī cædēdāni, Īimaī beedāni, Īimaī guēmædāni, ante wææ angadānīmpa.

¹⁸Pancadāniya mā pōnēninque, Önōmonque bai ĩnōmō inte mönō anquedoidi ĩnānite waa adinque waa cæcæimpa, ante babæ ante wææ ānewēnānīpa. Ayæ mōnitō ānō bai cædāmaī ĩnīnque edæ mīnitō ænte entawēnō ænāmaī inte wæbaīmīnīpa, ante ānewēñōnāni mīnitō wæætē guiñente wædāmaī ĩedāni. Edæ, Mōnitō ate bai do adīmōni inte āmōni ēñēdāni, ante tōmēnāni Codito Önōwoca ingante ewocadāmaī ĩnāni inte mā pōnēninque ānewēnānīpa. Edæ, Nāmāneque ante pōnēninque tōmēnāni, Mōnitō adomōnique waa cæmōni ĩmōnīpa, ante nāmā waa adānīpa. ¹⁹Mönō ocai encamō inte cænguī cæninque mönō baonga wepæmē tōmāo gogadinque pæmōmpa. Ayæ adobaī mönō ocai encadinque oguēmē tōnō baō beyæ cōñe pō cōñe pō cæmōmpa. Mönō pōnencabo adobaī

Codito tōnō adoyonque bai ĩñōmōnte tōmengā Önōncamō bai ĩnongā inte nē angā ingampa. Mönō mănōmaī imō incæte tōmēnāni wæætē nē Önōncamō bai ĩnongā ingante Baa ānīnque nāmā wido tote wææĩñō bai edæ wadæ godānīpa. Īnīnque wææĩñō bai ĩnāni incæ mīnitō ĩmīnite wææ ānāni apa quēwēmīnīi.

²⁰Wēēñēdē inguipogaque ante nāni wææ angainō ante nē ēñengaimīni incæte ñōwo wæætē Codito tōnō godongāmæ wænīmīni inte mīnitō wænte bai ĩmīni inte mānīne ante ædō cæte ēñenguimīnīi. Inguipogaque quēwēmīni ĩmīnīpa diyæ mānīne ante ēñente cæquēnēmīni inguimīnīi. ²¹“Gampodāmaī, Yædæ bedāmaī, Bæi ongōnāmaī,” ante tōmēnāni nāni wææ ānewēnō ante quīnante ēñente cæmīnīi. ²²Īñæmpa waodānique edæ, Gampodāmaī, ante nāni ānoncoo ĩñōmō tæcæ ænte cæyōmīni edæ dobæ wote ba apa ēñēwēmīnīi. Inguipogaque quēwēnāni nāni ānewengainō ante ēñēninque tōmēnāni wææ ānānīpa. Dodāni nāni odōmōnte apænegainō ante ēñēninque wææ ānānīpa. ²³Tömēnāni, Önōmonque bai ĩnōmō inte mönō anquedoidi ĩnānite waa adinque waa cæcæimpa, ante wææ ānewēnānīpa. Ayæ mā pōnēninque, Cædāmaī, Cædāmaī, ante nāmā baō incæ pānānīpa. Īñāni ocai encadōnāni inte wææ ānānīpa, ante pōnēninque wadāni edæ wæætē oda cædānīpa. Īñæmpa, Cædāmaī, Cædāmaī, ante nāni wææ ānewēnō wīī eyepæ ĩ ĩnīnque nē ēñēnāni inguipogaque nāni cæinēwēnō ante godōmenque wīwa cædānīpa, ante āmo ēñēmaīmīnīpa.

3 ¹Īnīnque mönō Codito nē ñāni òmæmongaingā tōnō nē ñāni òmæmongaimīni inte mīnitō æmōnga ongoncoo edæ æīnente pōñēdāni. Codito ñōwo Mæmpo Wængongui tōmēmængā ĩnō æi tæ contate ongongampa, ante pōnēninque edæ mīnitō, Æmōnga pōnī nē quēwengā tōmengā nānō entawēnō bai adobaī entawengæimpa, ante æīnente

wædinqe quëwëedäni. ²Inguipogaque mönō quëwëmāmo ante edæ wædāmaī inte wæætē æmōnga mönō quëwenguinō ante cōwē pōnente quëwëedäni.

³Edæ do wænte baī ingaīmīni inte mīnitō nōwo Codito tōnō Wængonguī nempo awēmō quëwëñōmīnite mīnitō quëwenguinō ante wīī edonque acæimpa.

⁴Mōnō Codito mīnitō quëwenguinō ante nē pōnongaingā inte ponte a ongōñongā māniñedē tōmengā ñāō entawëninque nānō tæī ëmōmāmodē mīnitō adobaī tōmengā tōnō a ongōmīni acæimpa.

**Inguipogaque ante wægaīmō
inte mönō mīīmō quëwëmō**

⁵Mänōmaī impa, ante wædinqe mīnitō inguipogaque ante mīni cæinëwënō ante wænōnte baī æmæwo wido cæedäni. Nānōgængā ināmaī iñongante godō mönāmaī ee aedäni. Wīwa mīni pōnëwënō ante æmæwo wido cæedäni. Wacā ingante mīni toīnente wædō ante æmæwo wido cæedäni. Wīwa mīni cæinëwënō ante æmæwo wido cædinqe ee ate quëwëedäni. Mīni māincooque ante æinëwënō ante æmæwo wido cæte ñimpo cæedäni. Edæ māincoo ante æinente nē wæcā iñōmō tōmengā, Māincoo incæ botō wængonguī impa, ante baī wæcā apa cæmīni. ⁶Nē ëñënamāi cædäni inguipogaque nāni cæinëwënōnque ante cæyōnānite Wængonguī nānō piinguīmāmo oo ponguīnō anguënē. ⁷Mīnitō incæ doyedē inguipogaque ante quëwëninque adobaī mīni cæinëwënōnque ante cægāimīni imīnīpa. ⁸Ñōwo guiquënē ænguī badāmaī iedäni. Äimīni badāmaī iedäni. Piīnte cædāmaī iedäni. Babæ godō wënæ wënæ änewënāmaī iedäni. Wīwa apænedāmaī iedäni. Wæætē, Idæwaa wënæ wënæ cæte awædō, ante māninō tōmānō ñimpo cæte ee aedäni. ⁹Wëenëñedē mīni entawengāimāmo ante wido cædinqe māniñedē mīni cægāinō ante adobaī nē wido cædīmīni inte nōwo iñōmō edæ wacā ingā wacā ingā babæ wapiticæ apænedāmaī iedäni.

¹⁰Wæætē mīīmīni edæ quëwencæmīnīmpa, ante Wængonguī do pōnō badongā entawëmīnīpa. Ayæ māninō ante nē Badongaingā iñōmō cōwē pōnō odōmonte apænecā ëñëninque mīnitō mīīmīni quëwëmīni inte tōmengā nānō entawënō baī godōmenque godōmenque adobaī entawëmīni bamīnīpa. ¹¹Mōnō Codito nempo adoyōmō pōni iñōmō inte mönō guidiegoidi incæ oodeoidi incæ adomō iñōmō imōmpa. Nē ëō togæināni incæ bagāadāni incæ adomō iñōmō imōmpa. Waadāni incæ cowodëidi incæ adomō iñōmō imōmpa. Wacā beyænque nē cæte quëwënāni incæ abæ tawænte ee gote baī nāmā beyænque nē cæmōni incæ mönō tōmāmō adomō pōni iñōmō imōmpa. Edæ mönō tōmāmō Codito adocanque nempo quëwëninque tōmengā adocanque ingante nē ëwocamō imōmpa.

¹²Wængonguī, Mīnitō botō quīmīni badinqe tæiyæ waēmō bacæmīnīmpa, ante mīnitō imīnite waadete pōnëninque do apænte ængacāimpa. Ìninque tōmengā nānō nē apænte ængāimīni inte mīnitō wadāni inānite waadete pōnente godō waa cæedäni. Nāmā önōmoque baī imōpa, ante pōnëedäni. Wadāni inānite ædæmō cæedäni. Æiquedō waa cæquināni, ante wædāmaī inte piyænē cæte quëwëedäni. ¹³Ayæ wacā nānō cæinënō ante cæcā adinqe mīnitō piināmaī ee amīni cæcæedäni. Wacā adobaī mīnitō imīnite wīwa cæcā ate wædinqe mīnitō godō ñimpo cæmīni quëwencæcāimpa. Edæ mönō imonte mönō Awënē nānō ñimpo cægāi baī mīnitō adobaī piināmaī inte godō ñimpo cæedäni. ¹⁴Ayæ, Adocabomō mönō baquinque mönō waadete pōnengæimpa, ante pōnëninque mīnitō tāno wadāni inānite waadete pōnëninque ayæ tōmënāni inānite mīni godōmenque cæquënënō ante cæedäni. ¹⁵Mīnitō adocabomīni badinqe piyænē cæte quëwencæmīnīmpa, ante Wængonguī mīnitō imīnite aa pegacāimpa cæmīni. Mönō Awënē Codito nānō piyænē cædō pōnongā æninque mīnitō piyænē cæte

quëwëedäni. Ayæ Wængongui ingante cöwë waa ate pönente quëwëedäni.

¹⁶Mönö Codito nänö apænegainö ante ëñëninque minitö ædæmö entawëninque nanguï ëñente baedäni. Ìninque nanguï ëñëmïni badinque mïni cabo incæ wacä ingä wacä ingä godongämæ odömönte apæneedäni. Ayæ nanguï ëñëmïni inte minitö wacä ingä wacä ingä waadete pönëninque, Ìimaï cæcäëmpa, ante apæneedäni. Ayæ dodäni Wængongui ingante waa adinque ämotamïni ante nani yewæmongainta adinque minitö wæætë adodö tee empote äedäni. Ayæ Itota Codito nänö cægainö ante pönëninque ämotamïni äedäni. Ayæ adobaï Wængongui Önöwoca pönö apænecä ëñente ëwocadinque minitö ämotamïni ante adodö tee empote äedäni. Mänömaï ämotamïni äninque Wængongui ingante cöwë waa ate pönëninque äedäni. ¹⁷Ayæ æbämenque ante apænemïni incæ æbämenque cæmïni incæ minitö, Mönö Awënë Itota ëmöwo beyæ impa, ante tömää cæedäni. Ayæ tömengä pönö cæcä beyænque minitö eyepæ inte Mæmpo Wængongui weca pöninque tömengä ingante waa ate pönëninque apæneedäni.

**Mönö godongämæ quëwencabo
ïimaï cæte quëwengäëmpa**

¹⁸Onquiyämïni ëñëedäni. Mönö Awënë nempo quëwëninque mönö ëñente cæcäëmpa, ante wædinque minitö nänöögænäni inänite Ao ante ëñente cæedäni. ¹⁹Onguïñämïni ëñëedäni. Minitö nänöögænäni inänite ædæmö waadete pönëninque tömënäni inänite piinte cædämaï ïedäni.

²⁰Wëñämïni ëñëedäni. Minitö mæmpoidi inänite ædæmö ëñente cæedäni. Edæ mänömaï cæmïni adinque mönö Awënë, Waa pönï cæbi abopa, ancæcäëmpa. ²¹Wæmpomïni ëñëedäni. Minitö, Ancaä ämo bai botö wëñængä ænguï badinque guingo imonte wæquënegä, ante pönente wædinque wæætë wëñænäni inänite nanguï änämaï inte waadete pönö cæedäni.

²²Wacä nänö në ö ænimïni inte tömengä beyænque në cæte quëwëmïni ïñömö ëñëedäni. Minitö iminite në ö ængaingä ingante në cæmïni inte minitö tömengä nänö ä bai tömää ëñente cæedäni. Edæ, Awënë Wængongui incæ botö imote cöwë acampa diyæ, ante guïñente wædinque minitö iminite në ö ængaingä nänö ayedë incæ tömengä nänö adämaï ïñedë incæ cöwë ëñente cæedäni. Waodänique botö imote waa acædänimpa, ante pönënamäi inte minitö nö pönëninque cöwë ëñente cæedäni. ²³Æbämenque cædinque minitö, Wïi waocä beyænque ante cædinque botö Wængongui Awënë beyænque ante cæcæboimpa, ante pönëninque tæi ëwocadinque ee cæedäni. ²⁴Mönö Awënë ïñömö tömengä do nänö angainö bai cædinque minitö cægainö beyæ ante eyepæ pönï pönongä æncæmïnimpa. Mänömainö ante pönente cæedäni. Edæ, Mönö Awënë Codito ingante adocanque ingante në cæmïni iminipa, ante ämo ëñëmaïminipa. ²⁵Në wënæ wënæ cæcä guiquënë tömengä nänö wënæ wënæ cægainganca eyepæ æncæcäëmpa. Edæ Wængongui ïñömö wacä ingante wadö wacä ingante wadö ate pönënamäi inte tömäamö imonte apænte äninque pönö nö pönï paga cæcæcäëmpa.

4 ¹Awënëidi ëñëedäni. Minitö waocä ingante në ö ænimïni inte ëñëedäni ämopa. Edæ minitö Awënëidi imïni bai minitö iminite në Ængaingä incæ adobaï minitö Awënë inongä inte öönädë quëwengampa cæmïni. Minitö beyænque cæte në quëwënäni inänite minitö nöingä cædinque tömënäni nani ænguënenö ante adinque eyepæ pædæ godömïni æncædänimpa.

²Wængongui ingante cöwë apænedinque, Tömengä æbänö cæcää, ante cöwä adinque tömengä ingante waa ate pönëninque apæneedäni. ³Codito æbänö cæcää, ante dodäni nani ëñënamäi ingäine incæ botö mänine ante do ëñënimö inte apænebo beyænque botö imote tee mönedäni

wæbopa. Incæte mōnitō mǎnīne ante apǎneyōmōni mīnitō wæætē mōnitō beyǎe ante Wǎngonguī ingante apǎnedinque īīmaī ante apǎneedāni āmopa. Wǎngonguī ēñēmi. Bitō wi ænete bai cæbi ate Pabodoidi nāni apǎnede wadāni mīmōnē guicǎiŋpa, ante apǎneedāni. ⁴Codito æbānō cæcǎā, ante botō edonque apǎnequēnēmo īmopa. Īnīnque mīnitō botō beyǎe ante apǎnedinque, Pabodo edonque apǎnecǎcǎiŋpa, ante Wǎngonguī ingante apǎneedāni āmopa. ⁵Wadāni ĩnānīte bee tēnīnque mīnitō ocai encamīni inte ēñēnte cædāni. Pōnēnāmaī ĩnāni do ēñēncædānīŋpa, ante waa apǎnete cædāni. ⁶Ayǎe Wǎngonguī waadete pōnō apǎnecǎ ēñēnīnque mīnitō adobaī wadāni ĩnānīte waadete pōnō apǎnedinque waa pōnī apǎneedāni. Wadāni, Æbānō īī, ante ēñēncæte ante wǎyōnānīte mīnitō wæætē nō pōnī ēñēmīni inte nōīngǎ apǎnemīni ēñēncædānīŋpa.

Waa quēwencǎmīnīŋpa, ānānīpa

⁷Botō Pabodobo æbānō quēwēmoo, ante nē ēñēnīngǎ inte Tiquico nōwo mīnitō weca pōnīnque mǎnīnō ante apǎnecǎ ēñēncǎmīnīŋpa. Tōmēngǎ mōnō tōnīñacǎ bai ĩnongante mōnitō tōmēngǎ ingante waa waadete pōnēmōnīpa. Tōmēngǎ mōnō Awēnē nempo quēwēnīnque mōnitō tōnō godongāmǎe cæcǎ ĩnongǎ inte mōnō pōnencabo tōmāmō īmonte pōnēnīnque mōnō beyǎe cōwē ædāmō cæcǎ ĩngampa. ⁸Mīnitō, Pabodoidi æbānō quēwēnānīi, ante ēñēncæte ante wǎmīnitawo. Edǎe, Tiquico mǎnīnō ante apǎnedinque mīnitō ĩmīnīte ædāmō apǎnecǎ ēñēnīnque mīnitō wampo pōnencǎmīnīŋpa, ante cædīnque botō nōwo tōmēngǎ ingante mīnitō weca da godōmo pongǎ aedāni. ⁹Tiquico goyongǎ tōmēngǎ tōnō Ōnetīmo mīni cabo nē ĩnongǎ incǎ guēa gocǎcǎiŋpa. Ōnetīmo cōwē ædāmō cæte nē pōnēngǎ ĩngampa, ante adīnque mōnitō tōmēngǎ ingante waadete pōnēmōnīpa. Īnīnque

tōmēna ĩñōmō, Pabodoidi weca æbānō cædānīi, ante tōmānō ante apǎneda ēñēncǎmīnīŋpa.

¹⁰Botō tōnō guēa tee mōnete ongongǎ Aditadoco ĩñōmō tōmēngǎ mīnitō ĩmīnīte, Waa quēwēedāni, āngampa. Ayǎe Bedēnabee nānō wǎnquicǎ Mǎadoco adobaī, Waa quēwencǎmīnīŋpa, āngampa. Tōmēngǎ ingante æbānō waa cæquīī, ante do āmo ēñēmīnitapa. Īnīnque tōmēngǎ pongǎ adīnque waa cædāni. ¹¹Ayǎe wacǎ Itota Yoto nāni ānongǎ adobaī, Waa quēwencǎmīnīŋpa, āngampa. Botō Wǎngonguī Awēnē Odeye nempo quēwēnāni beyǎe cǎyōmo oodeoidi incǎ wadāni cædāmāi ĩñōnānīte mǎnīnānīque botō tōnō godongāmǎe cædīnque pōnō ædāmō cædāni ænīnque botō wampo pōnentabopa.

¹²Ayǎe mīni cabo ĩnongǎ inte Epapada ĩñōmō tōmēngǎ Itota Codito ingante nē cædongǎ inte adobaī, Waa quēwēedāni, āngampa. Tōmēngǎ Wǎngonguī ingante nanguī apǎnedinque, Codotenteidi ĩnānīte bitō godō cæbi ate tōmēnāni picǎnāni bai bacædānīŋpa. Ayǎe bitō āngāīnō tōmānō ante ēñēnte cædāni inte tōmēnāni tǎī pīñānte ēwocacædānīŋpa, ante tōmēngǎ mīnitō beyǎe ante cōwē apǎnecampa. ¹³Mīnitō beyǎe tōmēngǎ nanguī cæcampa. Daoditea ĩñōmō nāni pōnencabo beyǎe adobaī Yedapodi ĩñōmō nāni pōnencabo beyǎe adobaī tōmēngǎ nanguī cæcampa, ante botō nāwangǎ apǎnebo ēñēedāni. ¹⁴Ayǎe, Waa bacædānīŋpa, ante mōnō nē cædongǎ tōmēngǎ ēmōwo Odoca tōmēngǎ ĩñōmō mōnō nē waadecǎ ĩngampa. Tōmēngǎ tōnō Deēma, Waa quēwencǎmīnīŋpa, ante adobaī ānāpa. ¹⁵Ayǎe botō Pabodobo beyǎe ante wæætē Daoditea ĩñōmō mōnō tōnīñadāni ĩnānīte mīnitō, Waa quēwēedāni, ædāni. Diīmpa ĩnante, Waa quēwēedǎ, ædāni. Ayǎe Codito ingante nāni pōnencabo tōmēnā oncōnē godongāmǎe ponte apǎneyōnānīte mīnitō wæætē botō beyǎe apǎnedinque, Pabodo, Waa quēwēedāni, āngampa, ædāni.

¹⁶Ayæ iinta botō cadota ante
yewæmōinta iinque adinque mīnitō,
Daoditea iñōmō Codito ingante
nāni godongāmæ pōnencabo adobaī
acædānimpa, ante cædinque da
godōmīni ænte acædānimpa. Ayæ
daoditeaidi inānite botō cadota ante
yewæmōninta adobaī āmīni da pōnōnāni
æninque aedāni.

¹⁷Ayæ Adoquipo ingante
apænedinque, Bitō mōnō Awēnē pōnō

angā ēñēnīmi inte bitō cæquēnēnō
ante tōmāā ædæmō cæe, æedāni.

¹⁸Botō Pabodobo tōmēmo ònompoca
yewæmōninque, Waa quēwēedāni, ante
tōmēmo ēmōwo ante yewæmōmopa.
Botō æbānō yæguincamē encapote
wæboī, ante pōnēninque mīnitō
Wængonguī ingante apæneedāni
āmopa. Wængonguī waadete nānō pōnō
cædō ænte entawencæmīnimpa, ante
māninque ante yewæmōmopa.